

EPISTOLA ANATOMICA, PROBLEMATICA QUINTA,

Authore

GERARDO FRENTZ, *M. D.*

Ad Virum Clarissimum

FREDERICUM RUYSCHIUM,

Med. D^m. Anatomiae, ac Botanices Professore.

DE

Vasis sanguiferis Perioftii Tibiæ, ut & viis, per quas
vesicula fellea sarcinam acquirit.



AMSTELÆDAMI,

Apud JOANNEM WOLTER S, 1696.

1870
1871

1872

1873

1874

1875

1876

1877

1878

1879

1880

1881

Nobilissime, Oculatissimeque

Vir.



Uoties ad studia magis seria animum applico, toties rarissima Tua non satis laudanda, in mentem revoco : Puto rarissima & jucundissima, quæ olim Amstelodami, cùm per aliquot tempus degerem, in Museo Tuo, cum Reverendissimo Domino *Richardo* mihi fuere exhibita. Hisce diebus mihi ab Amico tradita

est Epistola Anatomico-Problematica prima, Ornatissimi Viri *Johannis Gaubii*, subjectaque Tua responsio, figuris haud inamœnis exornata, quæ summopere me affecerunt, eaque iterum iterumque evolutâ, animum meum satis explevit ; Novam enim, & ut ita dicam, inauditam corporum Balsamationem referebat illa, vi cujus Cadavera post biennium naturalem non exuerunt colorem, & quidem sine ulla fallacia, fucove præparata. Hoc artificio, ni fallor, faciliore negotio, multòque exactius investigari poterunt viscera, vasa sanguiflua, & quamplurimæ corporis partes. Vidi aliquando Hispaniam, Galliam, Hollandiam, aliasque regiones, sed nullibi, nec vel in Patria ipsa tale quid offendi : Per biennium Cadavera, sine ulla putredine floridissimo colore perfusa, conservare, flexibilia omnia membra, solida quamquam & non admodum rigida, nec non ad dissectionem apta ; Viscera integra, incorrupta, & aspectu placidissima, meum certè, ut & innumerorum aliorum captum, & expectationem, ut ingenuè fatear, longè superat.

Porro, Clarissime Vir, nec de tali dissepimento, quod scrotum in duas partes dividit, nec de cellulis adiposis, in scroto contentis, me unquam audivisse, multò minus vidisse, non illibenter fateor.

Mirari certè licet, quòd hujus novi inventi beneficio papillæ pyramidales, ut & corpus reticulare sub cuticula prodeant, & hocce quidem in Cadaveribus ab hinc biennio demortuis. Hoc exemplum sine exemplo, permultos in summam duxit admirationem.

Pace Tua, Vir eximie, quærere sustineo, quandoquidem in confesso est, inflammationem oriri ab obstructione vasorum sanguiferorum, ex qua causa tunc adeò frequenter oriatur talis affectus in partibus exanguibus; scilicet in Pericranio, Patellarum, Tibiarum, aliarumque partium integumentis membranosis, qui homines non rarò in vitæ discrimen deducit, in iis autem rarissimè vasculum sanguineum in cadaverum dissectione apparet; Interim aveo scire, an per novam Tuam inventionem plura in præfatis perioostiis detegi possint vasa sanguifera, quorum obstructio inflammationem inducere valet.

Non minus quoque scire affecto, an quid magis solidi arte Tua possis detegere circa Bilis viam ad vesiculam felleam; utrum videlicet id fiat per radices dictæ vesiculæ felleæ, in ejus fundo existentes; an verò per glandulosam vesiculæ substantiam? an forsan per ductum cysticum? ut noster Arnisæus, & alii existimant. Meo tempore cum studiis Lugduni Batavorum incumberem, acriter hac de re disputatum est, & hætenus quoque nondum mihi satisfacere Anatomicorum Principes: Quod si Tu, Cl: Vir, novo Tuo artificio præstare id posses, gratum & mihi innumerisque aliis esses facturus.

Pluribus Excellentiæ Tuæ hac vice molestus esse non ausus sum, nisi quòd, præmissâ perofficiosâ salutatione, Tutelæ Divinæ ex animo V. Exc. commendo, quò rem Anatomicam porrò promoverè, magna cum utilitate medica, queas. Hisce salve, vale, vive diu & feliciter, in Reipublicæ bonum, Familiæ emolumentum, Amicorum gaudium. Ego verò sum & maneo Tuus ex animo

GERARDUS FRENTZ, M. D^r.

Lubeccæ 29 Decemb.

1695.

FREDERICI RUYSCHII RESPONSIO,

Ad Nob. & Exercitatis : Virum

GERARDUM FRENTZ,

Med. Doct^m. Expertissimum,

In Epistolam ejus Anatomicam, Problematicam, quæ inter literas nostras ordine est quinta. De vasis perioſtii anticnemii offis Tibiæ & Patellæ, nec non de viis bilis ad vesiculam felleam.

Nobilissime Vir,



Ratissima mihi certè fuit Epistola, quam nuper à Te accepi : nunquam enim mihi persuadere poteram, Te adeò omnimodam mei memoriam, post discessum Amstelodamò, depositurum esse, sicuti non sine maxima admiratione hætenus ex nimis longo Tuo silentio suspicari cœperam. Jamne demum oblata Tibi, ut ais, occasio? an sine ea nunquam? nisi hæc offendisses literas, mei fuisses, memor? In hisce tuis literis nonnulla à te video proposita, nimirum, *quandoquidem in confesso est, omnem inflammationem oriri ab obstructione vasorum sanguiferorum, è qua causa tunc adeò frequenter oriatur talis affectus, in partibus*

tibus exanguibus ; scilicet in Pericranio , ut & Patellarum , Tibiarum , aliarumque partium integumentis membranosis , &c. Fateor equidem , Nob. Vir , dicta vasa sanguifera ab Anatomicis hætenus haud fuisse depicta , neque etiam in administratione Anatomica , quæ publicè celebratur , ab illis indigitari ; quandoquidem illa vasa rarissimè , si unquam , in sensus incurrant in vulgari dissectione : Nullus autem eorum in dubium revocavit , dicta vasa in periostio Tibiarum & cæterarum partium extare : omnes partes membranosæ exangues quidem audiunt , quatenus in statu naturali magis albicant , non autem destitutæ sunt vasis sanguifluis , quid dico destitutæ , scatere totius corporis periostia artificiò nostrò , expertus sum. Si Nob. Vir dictorum vasorum reptatum arteriosum per periostium anticnemii tibiæ , ut & per involucrum patellæ tendinosum è puero desumpta , videre affectet , Tab. 5. Fig. 1. illum repræsentat ; oriuntur autem dicta vasa periostii anticnemii ab utroque latere uniuscujusque ossis Tibiæ , & præsertim è vasis furalibus , suntque adeò numerosa , ut omnibus infarctis , sive sanguine , sive materiâ ceraceâ , totum periostium summâ rubedine sit perfusum. Nemo autem suspicari debet , extremitates harum arteriarum , quas hic repræsentamus , fibras esse , & neutiquam arteriarum ramusculos minutissimos seu propagines ; luce enim meridianâ distinctius demonstravi , non solum harum arteriarum ramusculos minutissimos eundem habere reptatum cum trunculis majoribus , verùm etiam eandem retinere formam , ita ut extra dubitationis aleam hæc esse posita , existimem.

Secundam Tuam petitionem , Nob. Vir , seu vias , quod attinet , per quas bilis ad vesiculam felleam deducitur. Tot experimentis non solum à me , verùm etiam à Cl. Professore *Bohnio* institutis , compertum est , vesiculæ contentum maxima ex parte per ductum cysticum advenire , ut diutius in eo anceps hære nequam ; eò magis , cùm nullæ radices è Vesiculæ felleæ fundo emergant , quantumvis eæ in figuris ab exercitatissimo Hignorro , & post eum , à Cl. Professore *Bidloo* repræsententur : nullas , dico dari radices è vesiculæ fundo prodeuntes , sicuti etiam annotatum vidi à Nob. Viro *Joh. Christoph. Schroero* in exercitatione qua-

quadam Anatomico-Physiologica accuratissimè concinnata, ubi hæc reperiuntur verba pag. 12. *Ut proin certò possim concludere, in ejusmodi animalibus omnem bilem ad vesiculam per cysticum ductum infundi, nihil per radices : siquidem & in illis fit, ubi nulla cystis cum hepate conjunctio est : an verò in homine peculiaris obtineat conformatio, quia Bidlous istud affirmat, & depinxit, ex cadaveris ejusmodi defectu experiri non liquit : Vereor tamen, ne ille præjudiciò potius, quàm experientiâ radicum illarum aperturam admiserit.*

Ita dictæ & depictæ radices in fundo existentes, nil sunt, nisi ramuli sanguinei, ex Arteria & Vena Cystica oriundi, qui rami numerosissimâ serie, non solùm per vesiculæ felleæ tunicas, verùm etiam per hepatis membranæ duplicaturam ulterius disseminari comperi, id quod facilè alicui imponere potest; præter dictos ramulos sanguiferos, prodeunt quoque innumeræ fibræ, inordinata serie dispositæ, quarum ope vesicula hepati connascitur, ne pondere suo deturbetur loco, & huic muneri solummodò videntur destinatæ, non autem ad bilem ex hepate alliciendam, cui opinioni haud parùm favent experimenta, ab exercitatissimis Viris, *Daniele de Clercq*, & *Jacobo Mangeto*, de studio Anatomico optimè meritis, idque non solùm, quòd Bibliothecam Anatomicam concinnarunt, opus nunquam satis laudandum, verùm etiam ob elegantes, quas adjecerunt observationes Anatomicas; Horum verba hic inferere volui; *Dilaceravi*, inquit, unus forsan ex illis, *vesiculam usque ad cervicem* (loquitur de subjecto canino) *tentaturus, an aliquid bilis per hanc versus fundum laceratum flueret. Respondebat expectationi eventus, id est, non tantùm bilis quasi turgescentiâ quâdam ex angustiore ductu cystico per latiore cervicem copiosissimè eructabatur, sed idem cysticus post injectum ipsi vinculum, notabiliter sic intumescebat, ut nihil, aut parùm saltem bilis, per dictam cervicem amplius promanaret.*

Nec minoris quoque momenti est comprobatio supradicti statuti, scilicet quòd repertæ sint à nobis vesiculæ felleæ fundo suo hepati neutiquam connatæ, & solummodò cervice sua hepati adhærentes. Ejusmodi quoque vesiculam bile repletam in Museo meo per aliquot annos reservavi; Præterea varia occurrere

rere animalia, quorum vesiculæ felleæ fundus ab hepate prorsus determinatus, observavit quoque supracitatus Clar: *Bohnius*. Minorem autem portionem humoris, in vesicula fellea contenti, prodire existimo, è glandulis tunicæ interiori vesiculæ, ut & ductus cystici impactis. De hisce glandulis multoties quidem mentionem fecerunt Authores, ast, qualia sint corpuscula, quæ nomine glandularum vesiculæ felleæ veniunt, non usque adeò accuratè descripta sunt; dicuntur enim convenire cum iis, quæ in vesicæ urinariæ, ut & ureterum superficie interiori hærent; verùm enimverò tales glandulas in superficie interiore vesicæ urinariæ, neque in ureteribus unquam mihi conspicerelicit, quales in vesiculæ felleæ tunica interiore reperi: Omnes membranæ, quæ in thoracis, ut & abdominis cavo, humore aqueo irrigantur, dicuntur ab incomparabili Anatomico *J. Stenonio*, glandulis esse obsitæ, easque laticem dictum ad humectationem spartium producere, à qua opinione alienus quidem non sum, attamen illas hætenus non nisi mentis oculis ulli videre licuit; Hæ autem glandulæ vesiculæ felleæ Tab. 5. Fig. 3. delineatæ, videndas sese exhibent oculis, licet microscopiis haud sint muniti, suntque in vesicula fellea bovina adeò magna, ut jure meritò glandulæ miliares dici possint, præsertim quòd formam seminis milii quoque æmulentur, & quod notandum, per universam vesiculam felleam bovinam brevi intervallo dispersæ inveniuntur: in vesicula, autem fellea humana minores esse comperio, rarioresque prodire circa fundum ejus, in collo autem plures, ac demum in ductu cystico & communi innumeræ sunt vid. Tab. 5. Fig. 3. Dictas glandulas humorem procreare utilem, non est cur dubitemus, qualis autem ille sit, cujus saporis ac consistentiæ, ipsa bilis in vesicula simul contenta, obstaculo est, quo minus illud expiscari possit: credibile autem non est, omne contentum vesiculæ ab illis prodire glandulis, multò minus à tunicis ipsius vesiculæ, uti à Cl. ac expertissimo *Fr. de le Boe*, *Sylvio* fuit venditatum, partim verò, per ductum hepaticum, partim per ductus peculiare Glissonianos dictos, qui ductui cystico committuntur, ac partim demum per ostiola in interiori tunica vesiculæ confita, atque è glandulis

dulis vesiculæ prodeuntia. Dicto motui neutiquam obstare potest valvulosa constitutio ductus cystici, quandoquidem illæ valvulæ alternatim positæ, conniventes habendæ sint, quemadmodum in intestino Jejuno; ita ut per eundem ductum bilis cystim felleam adeat, exeatque; id quod in intestino Cæco, quinimò leporino, quod admodum longum existit, quoque evenire, palam est. Ex hisce succinctè in medium prolatis, videre est, quid sentiam circa vestra proposita: antequam autem finem imponam, nonnulla circa hepar observata addere, animus est: & primò quidem Arterias, cysticas dictas, quæ à Clarissimo Vesalio, ut & oculatissimo, & apprimè in Anatomicis versato *Th. Bartholino* dicuntur exiles, & per superiorem vesiculæ sedem repere: eas demonstravi tam considerabiles, ut non solum vesiculæ inserviant, verum etiam ulterius per duplicaturam membranæ hepar ambientis, copiosissimè disseminentur, id quod in nullis Anatomicorum figuris hætenus observavi. Vid. Tab. 5. Fig. 4. Lit. B. B. Ita ut dictæ Arteriæ cysticæ jure merito accenseri debeant hepatis vasis communibus, & neutiquam vesiculæ propriis; idem de venis sanguiferis & lymphæductibus harum partium judicandum.

Secundò Vesiculam felleam non solum ditari arteriis, cysticis vulgò dictis, verum etiam plurimis ramulis oriundis ex Arteriæ hepaticarum extremitatibus, per hepatis membranam disseminatis, quæ tandem in vesiculam felleam desinunt. Vid. Tab. 5. Fig. 4. Lit. C. C.

Tertiò Lymphæductuum myriades, per duplicaturam membranæ hepatis dorsum amicientis superbire, artificio nostro novo expiscatus sum; secus ac in Tab. trigesimæ tertiæ, Professoris Bidloi, figura prima repræsentatur, ibi enim quinæ tantum Lymphæductuum extremitates emergunt, longè à se invicem dissitæ, id quod imperfectissimum esse, comperio; hæc enim vasa alio ordine sunt disposita, omnibus enim infarctis, admodum numerosa reperiuntur; sicuti Tab. 6. repræsentat, & in Museo meo videre est.

Quartò in homine adulto Ligamentum umbilicale, & in fœtu humano, venam umbilicalem tot scaterere arteriis, ut iis

omnibus repletis, summâ rubedine perfusæ sint dictæ partes, dicto artificio quoque detexi. Vid. Tab. 5. Fig. 5. Lit. F.

Quintò, Ligamentum suspensorium Arteriis & venis innumeris non solùm, verùm etiam Lymphæductibus pluribus quoque conferi : patet etiam ex annexa Fig. 5. Tab. 5.


Sextò, tam numerosam prolem Arteriæ cysticæ nunquam vidi ab aliis fuisse manifestatam, quemadmodum dicto artificio præstiti. Vid. Tab. 5. Fig. 4.


Plura hâc vice, Nob. Vir, non addo : Te itaque Tutelæ Divinæ commendo, me verò Tuo favori, qui sum & maneo



Tui amplissimi Nominis Cultor observantissimus,

FREDERICUS RUYSCHIUS.

Dabam Amstelodami
10 Feb. 1696,







TABULA QUINTA.

Senas exhibet figuras, quarum **PRIMA** Arterias per portionem perioftii anticnemii offis tibiæ, è puerili subiecto desumptam, indigitat.

FIG. SECUNDA Patellæ perioftium tendinosum, aciculis expansum, cum suis arteriis repræsentat.

FIG. TERTIA Faciem internam dimidiatæ partis vesiculæ felleæ humanæ, aciculis expansæ, glandulisque instructæ, demonstrat.

FIG. QUARTA Vesiculam felleam hum. arteriis & Lymphæductibus ditatam exhibet.

FIG. QUINTA Ligamentum suspensorium aciculis extensum, cum annexo Ligamento umbilicali, ut & portione hepatis, indigitat.

FIG. SEXTA Collum Vesiculæ Biliaræ repræsentat.

Figura Prima expositio.

A.A. dextri, B.B. sinistri lateris ramus arteriosus per perioftium anticnemii offis Tibiæ distributus.

Figura Secunda dilucidatio.

A dextri, B sinistri lateris Vasa sanguiflua, per patellæ perioftium tendinosum disseminata.

Figura Tertia expositio.

A Superficies Vesiculæ interior inæqualis atque reticulata, quæ non ineptè comparari potest cum superficie melonis reticulati, cujus textura reticularis inæqualitatem meloni conciliat, id quod faciei internæ Vesiculæ quoque evenit.

B. Portio ductus hepatici.

C. Portio ductus communis.

D. Ductus cysticus.

E.E. Glandulæ per vesiculam disseminatæ, quæ haud solùm inhærent parti inferiori jecori connatæ, verùm etiam oppositæ, ut & vesiculæ collo, ductui cystico, nec non hepatico : notandum autem dictas glandulas aliquantò majores esse delineatas, ut melius conspici possint, præterea in omni vesicula humana non æquè distinctè conspiciuntur, quàm quidem in suilla, aut bovina, idque ob dictam reticulatam faciem internam.

F. Valvulosa & cellulosa dispositio in ductu cystico existens.

Notandum autem Vesiculam hanc esse secundum longitudinem dissectam, aciculisque expansam, unde justò major apparet.

Figura Quarta dilucidatio.

- A. Vesicula fellea humana leviter inflata.
- B. Arteria Cystica.
- C. Ductus cysticus tortuosus.
- D. Lymphæductuum trunculi.
- E. Arteriarum cysticarum posteriores propagationes per hepatis membranam.
- F. Lymphæductuum ulterior propagatio per membranam hepatis.
- G. Arteriarum hepaticarum ramuli ex hepatis substantia oriundi, & Vesiculam adeuntes. Hisce arteriis omnibus venas, eundem reptatum servantes, haud addidi, confusionis vitandæ causâ.

Figura Quinta expositio.

- A. Hepatis exigua portio, cujus parti gibbosæ connatum ligamentum suspensorium Lit. B. insignitum, aciculisque expansum, & quod notandum Ligamentum, utrumque studiô sinistrorsum est retractum, ut distributio vasorum distinctius conspiceretur.
- C.C. Arteriosi rami ex arteriis diaphragmaticis oriundi, & per dictum ligamentum copiosissimè distributi.
- D.D. Lymphæductus.
- E. Ligamentum umbilicale.
- F. Arteriolæ per dictum ligamentum repentes.

Figura Sexta Explicatio.

- A. Collum Vesiculæ felleæ humanæ.
- B. Colli ut & Ductus cystici reptatum serpentinum designat; id quod in plurimis Vesiculis felleis humanis locum habet.

T A B U L A S E X T A

Membranam hepatis dorsum investientem, aciculisque expansam designat.

- A. Hepatis dicta membrana.
- B.B. Lymphæductuum myriades obambulantem per duplicaturam membranæ, hepatis dorsum investientis.
- C.C. Arteriolæ, ex arteria hepatica oriundæ, & per dictam membranam, serpentino ductu reptantes.
- D. Ligamentum umbilicale, vasis sang. instructum.
- E. Locum designat, ubi Ligamentum suspensorium abscissum est.



7 EPISTOLA

ANATOMICA, PROBLEMATICA

S E X T A.

Authore

JOHANNE HENRICO GRÆTZ,

Ad Virum Clarissimum

FREDERICUM RUYSCHIUM,

Med. Doct. Anatomiae ac Botanices Professore.

D E

Arteria & Vena Bronchiali, nec non de Polypis Bron-
chiorum ejectis, Venæ & Arteriæ Pulmonalis ramos
mentientibus.



AMSTELÆDAMI,


Apud JOANNEM WOLTERS, 1696.

THE
JOURNAL OF THE
AMERICAN MEDICAL ASSOCIATION
PUBLISHED WEEKLY
CHICAGO, ILL., U.S.A.

ORIGINAL ARTICLES

CONTENTS

1. The Importance of the Physical Examination in the Diagnosis of the Heart Disease
2. The Treatment of the Heart Disease
3. The Pathology of the Heart Disease
4. The Prognosis of the Heart Disease
5. The Prevention of the Heart Disease



Published by the American Medical Association
535 North Dearborn Street, Chicago, Ill., U.S.A.
Subscription price, \$5.00 per annum in advance.
Single copies, 15 cents.

Celeberrime & Experientissime Vir

Fautor summopere colende.



N tantum nonnulli priorum temporum venerantur Medicos, ut iis cunctarum omnino rerum accuratissimam, & omnibus partibus absolutam tribuant scientiam, adeoque nihil prorsus novissimis hisce seculis dici posse velint, quod antea ab illis scriptum non fuerit. Quod ipsum sicuti præstantia ingenia haud parum occæcavit, & ab ulteriori indagine deterruit, ita vel maxime cognitionem Corporis humani anatomicam, totius reliquæ, seu Theoreticæ, seu Practicæ Medicinæ fundamentum, tam mancam, tam superficiariam, tamque obscuram ad nostrum usque ævum reliquit. Quippe tantum abest, ut veteribus totius Corporis structuræ mechanismus, vel partium numerus & situs cognitus fuerit, ut etiam maximam eorum, quæ in illo latent, partem ipsos ignorasse summa asseri possit ratione, scriptaque ipsorum abunde testentur. Neque enim tam frequenter & studiose cadavera secarunt humana, debita eorum copia, aliisque ad accuratiorem Anatomiam necessariis requisitis destituti, brutorumque hinc sectionibus plerumque contenti, unde quoque illa erroribus non carent, quæ de partium anatomia scriptis suis mandarunt, utpote quæ ut plurimum analogismo inter Hominis brutorumque corpora, fundamento infirmo & per accuratiorem Modernorum autopsiam tantum non everso, superstruuntur. Non tamen is sum, qui vel *Gale-*
no restauratæ anatomes gloriam præripiam, vel ingratus Majorum nostrorum studia arrodam; Quin potius venia ipsis danda, benigneque ignoscendum, sicubi vel gravioribus occupati studiis vel ob subsectorum penuriam lapsi fuerint, necessariaque quædam prætermiserint. Habent enim Artes quælibet

suas ætates, sensimque incrementa capiunt, neque uno tempore nascuntur scientiæ & adolefcunt; Quod quam maxime obtinet in Anatomia, cujus objectum adeo intricatum existit, ut Dædaleum vere dixeris Labyrinthum, aditum curioso spectandique cupido patentissimum, exitum verò difficillimum, si non impossibilem concedens. *Ejus arcana* (ut *Senecæ* verba in hunc quoque traham sensum) *non promiscue nec omnibus patent; reducta & in interiore Sacratio clausa sunt. Ex quibus hæc ætas aliud, aliud, quæ post nos subibit, adspiciet ætas.* Quanta igitur non reputanda erit illorum malitia, qui in id solum incumbunt, ut Veterum scripta in alium detorqueant sensum, illosque etiam invitos authores faciant eorum, quæ hæctenus latentia studio Anatomicorum nostri ævi indefesso detecta fuerunt. Detestanda hæc est illorum consuetudo, qui, cum ipsi nihil ex proprio penu depromere valeant, aliorum illustrium ingeniorum velliant & lacerant famam, iisque inventorum gloriam nefando furto præripiunt. Non specialius jam per omnia nostri seculi exempla excurram, neque innumerorum, quibus illud præ aliis superbit ævis, inventorum fata enarrabo, nimis enim jam sunt trita eruditorum manibus, quam ut nunc demum meum subire debeant calamum. Quin potius, Vir Celeberrime, Tuum ipsius exemplum amplissimam mihi scribendi copiam suggerit. Etenim virtus tua & in anatomicis peritia quemadmodum sine exemplo vere insignis est, ita habet illa quoque suos tum admiratores, tum ofores frequentissimos & maximos. Atque horum furor, livorque in tantum sævit, ut illum, quem à multis jam annis Eruditissimi Viri juste Tibi decreverunt, honorem, dubium nunc facere conentur. Vertitur nimirum jam annus trigesimus primus quo primus in *Tractatu Valvularum in vasis lymphaticis & lacteis dilucidationem & quasdam Observationes Anatomicas rariores continente*, *Arteriam bronchialem* ex vitulo descripsisti & Eruditis communicasti, qui etiam eam ipsam Autopsia deprehendentes, assensum non tantum, sed & inventionis ejus gloriam Tibi tribuerunt. Quo non obstante, scrupulosi & invidi. Censores dictam arteriam ab *Erasistrato*, alii à *Marchettis* jam dum descriptam audacter pronunciant. Cui ipsi as-

serto,

ferto, utpote à talibus prolato, quibus aliqua fides & authoritas tribuenda videtur, cum haud paucos tanquam Oraculis ex tripode dictis assurgere deprehenderim, Antiquorum & Recentium Anatomicorum monumenta è re facientia studiose volvere in animum induxi meum, ut quid tandem veri dicto rumori subfit, manifeste constet. Ac *Erasistratum* quidem quod attinet, cum scripta ejus temporum injuria perditæ sint, *Galenum* fidelissime dogmata *Erasistrati* recensentem omni studio evolvi, atque longæ inquisitionis labore incidi tandem in *Tractat. de Loc. affect. lib. v. cap. III.* ibique nonnulla, quæ dictæ opinioni patrocinari videntur, deprehendi. Agit autem *Galenus* l. all. id solummodo, ut inflammationes membranæ Pleuræ & Musculorum Thoracis intercostalium tandem suppurari, pusque in cavitatem thoracis effusum quandoque in pulmones & asperam arteriam recipi atque exspui ostendat. Pro determinandis tamen modo & viis, quibus in asperam arteriam *aqua mulsæ*, ut pus illud vocat, ingrediatur, illum verbosum satis & felicem tum in aliorum sententiis refellendis, tum in propria stabilienda deprehendo. *Erasistrati* præprimis placita ad severius revocat examen, huncque in finem ipsissima ejus verba ex *Tractat. de sanguin. Educt.* allegat, quæ sequentia sunt: *Via autem, per quam incedunt ea, quæ ab iis sedibus rejiciuntur, hujusmodi est. Ab ea arteria, quæ spinæ adjacet, vasa quædam ad utrumque latus, tam dextrum quam sinistrum, similiter procedunt: deinde in loca vicina multiplici divisione dispersa tandem adeo evadunt exigua, ut sensum lateant. Quum itaque sanguis in hujusmodi arterias inciderit, nonnunquam per concavam arteriam ad loca, quæ circa pulmones sunt, atque ad eos nexus, per quos pulmo apud spinam arteriæ conjungitur, ascendit: quippe ea, quæ huc inciderint, hac via ad pulmonem ascendere solent. Verum quomodo ex pulmone dein rejiciantur, antea dictum.* Conqueritur postmodum ipse *Galenus* de horum *Erasistrati* verborum obscuritate. Egoque cum illo quærerem ex istis *Erasistrati* affectis & cultoribus, quid sibi velint ea loca, quæ circa pulmones sunt, atque isti nexus, per quos pulmo apud spinam arteriæ conjungatur? Placet hic verba *Galen*i de Nexibus illis addere: loquitur autem sequentem in modum: *Etenim, si vel per membranas,*

vel per fibrosa quædam corpora fiant, ad sanguinis magna contenti arteria in pulmones delationem nihil conferunt: quippe necesse est ex arteria oriri vasa quædam, per quæ sanguis in pulmonem transferatur, quemadmodum Erasistrati secta hoc ipsum per arteriam pulmoni substratam fieri autumat. Hujus enim arteriæ extremæ partes, & quidem exigua ad asperam arteriam transire videntur: atqui ipsa quoque ex magna arteria antea, quam ad spinam perveniat, initium sumit. Atque hoc illud est ænigma cui solvendo non ego fane Davus sufficio, sed egregii illi & arguti audiendi sunt Oedipi. Præsto ergo hi sunt atque ex his intricatissimis verbis claram & sufficientissimam Arteriæ bronchialis descriptionem extricasse sese vane jactitant. Verum enim vero, quæ hic est facta ab Erasistrato mentio arteriæ cujusdam bronchialis? dum de Nexibus quibusdam in genere loquatur. Quæ quæso hujus arteriæ descriptio accuratius ab Erasistrati secta data? Galeni ergo rectius dixissent descriptionem arteriæ bronchialis, quicumque tandem Erasistrato illam obtrudunt. Ast nec verba Galeni adeo clara sunt, ut hinc luminis quicquam ad inveniendam quandam arteriam bronchialem cuiquam suboriri possit. Quæ enim ex illis apparet arteriæ dictæ origo clare & specialiter indigitata? quis fodes ejus progressus distincte designatus? aut quæ tandem ejus per pulmonis parenchyma diramificatio evidenter explicata? Aut si tandem ex supra allegatis verbis concludere quis vellet, Galeno arteriam bronchialem probe fuisse cognitam, dicat mihi, obsecro, cur ille in aliis suis scriptis Anatomicis, ubi pulmonum vasa ex professo tractat, ejus nullam omnino injecerit mentionem? Testantur ulterius hanc Galeni obscuritatem omnes, quotquot postea floruerunt, Anatomici, hanc arteriam prorsus silentes, cum tamen alia antiquitatis inventa haud celarint, sed plenis potius deprædicent buccis. Non magis itaque Galeni locus citatus videtur dubiam Tibi reddere palmam. Vir Celeberrime, quam forte Hippocrates de Corde, Stenoni & Lowero, fibrarum cordis musculosarum seriem & ordinem primum exhibentibus, dum, Cor. musculus valde fortem, non nervo, sed densitate ac constrictione carnis esse, ait, vel etiam ipse Galenus, Asellio & Pecquetto, lacteorum vasorum inventoribus, dum Ad-

ministrat.

ministrat. Anat. Lib. VI. Cap. VII. loquitur de glandulis mesenterii, ad quas vasa quædam ab iis, quæ ad intestina feruntur, porrigi conspiciantur, ut & cum alibi injicit mentionem vasorum mesenterii lacte nonnunquam repletorum obscurissimam, ut de *Administrat. Anat. Lib. VII. Cap. XVI, de Usu Part. Lib. IV. Cap. XVII.*

Ex *Marchettis* vero meliora quis non hauriet, dum *Anatom. Cap. X. p. m. 129.* satis generaliter adducit observabiles duas, aut tres arterias, ab arteria magna productas, quæ per substantiam pulmonum propagantur. Quippe & hic ubique existunt spissæ nebulæ; negligitque *Marchettis* quam maxime id, quod accuratioris est anatomici, multumque abest, ut exinde, quod ille ex arteria magna ramos ad pulmones tendere dixit, *Anatomici* sui & subsequents temporis *Arteriam Bronchiale* sectionibus suis demonstrare potuerint; quin potius illam omnes eo usque, donec Tua, Vir Celeberrime, solertia ipsam sole meridiano clariorem exhiberet, ignorasse, fidem faciant eorum scripta, confirmetque idem *Magnus Lugduni Æsculapius Sylvius Prax. Lib. I. Cap. XXIV.* Interea cum hæc ita se habeant, constetque rationibus plusquam certis, *Arteriam Bronchiale* Te unicum agnoscere inventorem, invitis malevolis; precibus à Te contendo obsequiosissimis, velis illi, quod circa ejus historiam manum adhuc tum reliquisti, proxime ultimam admoveere manum, & ostendere verum ejus ortum & per pulmones progressum in Homine, simulque, an nulla inter illam & *Arteriam Pulmonalem* reperiatur anastomosis, ceu hoc observare est in aliis visceribus, duplici arteriarum genere instructis, v. gr. in utero inter arterias hypogastricas & spermaticas, in Cerebro inter Caroticas & Vertebrales, &c. Cui simul subnectas quæso, Vir Celeberrime, tuum de *Vena socia Bronchiali* judicium, an scil. revera detur, & quis tandem ejus sit exortus. Dubitant enim non pauci de ejus existentia, inter quos ipse est *Galenus*, qui l. all. contra *Erasistrati* opinionis alterum momentum; quo venas ad educendum pus ex thorace in pulmones in auxilium vocat; disputans, in sequentia prorumpit verba; *Verum à magna Vena, quæ Spina incumbit, venam aliquam*

quam in pulmonem transire neque nos unquam vidimus, neque dissectorum quisquam scripsit, ac ne Erasistratus quidem id affirmare ausus est: quippe inter omnes convenit, quod à dextro cordis Ventriculo per unum duntaxat vas pulmo sanguinem recipit. Aut si nonnulli in ea admittenda faciles sunt, in determinando tamen ejus ortu & progressu dubii hærent & in contrarias eunt sententias. Accuratissimus nostri temporis Anatomicus Philippus Verheyen *Anatom. Tractat. III. Cap. IX. p. 145*, Arteriae Bronchialis Venam ejusdem cognominis comitem esse, ait, ejus exortum vero sibi nondum satis innotuisse, ingenue fatetur, inque ocellum reperisse se communem cum Origine Venæ Coronariæ Cordis, scribit. Dñs. Bourdon vero, referente Eodem, depingit istam Venam ut immediate à Vena Cava superiori abscedentem.

Gratulabitur sibi Orbis eruditus de Visceris hujus intricatissimi structura, tuis auspiciis plene planeque detecta, in quantum scilicet manus Malpighii oculatissimæ intacta nonnulla reliquerunt. Visceris, inquam, hujus intricatissimi, cujus vasorum mirificum & reticularem contextum dum accuratius lustro, citius nodus gordius quam eorum nexus à reliqua pulmonis substantia dissolvi posse mihi videtur. Imo tota potius frustra pulmonum secedent cum vasis, hocque toto die in Phthificis contingere observant Practici, vidique ego ipse talia apud Clariss. D. Limmerum Profess. Athenæi Anhaltini, quod Servestæ est, Præceptorem meum quondam fidelissimum. Refert nihilominus Tulpius *Observat. Medic. Lib. II. Cap. XII. XIII*, duas historias portionis arteriæ & Venæ, ab omni substantia pulmonum separata, tussi rejectæ. Ast benigne ferent Celeberrimi Viri manes, si frustula illa depicta, non venæ neque arteriæ furculos, sed concretiones polyposas in bronchiorum ramis factas credam. Nolo tamen adeo audacter huic sententiæ inhærere, nisi Tu, Vir Celeberrime, illa ita esse, experientia tua multifaria demonstraveris.

Quod super est, ea, qua possum, humanitate à Te peto, ut æqui bonique consulas meum tum in scribendo prolixitatem, tum in petendo audaciam, ad quam immensus Tuus
erga

erga me favor & affectus me compulit, quo etiam fretus,
 firmissimè mihi persuadeo, Te nec Tibi ipsi, nec eruditorum
 votis, nec meo emolumento defuturum. Vale interim, decus
 Anatomix splendidissimum, & favere imposterum perge

*Virtutum Tuarum Admiratori perpetuo & Cultori
 Observantissimo*

E Museo meo Amstelod.
 A. 1696. d. 9 August.

JOHANNI HENRICO GRÆTZ.

FREDERICI RUYSCHII RESPONSIO,

Ad Virum Expertissimum

D. JOHANNEM HENRICUM GRÆTZ.

*In Epistolam ejus Anatomicam, Problematicam,
de Arteria & Vena Bronchiali, &c.*

Experientissime Vir,



Uod Galenus *Anatom. Administrat. Lib. IV. Cap. I.* jam dum de suæ ætatis Medicis dixit, illos, qui quidem confectionibus operam dedisse putantur, utiliore illarum parte neglecta, eam, quæ cavillatoria magis est, exercere, id de præsentis sæculi Medicis aliquibus jure merito etiam pronunciari posset. Nam studium contradicendi & litigandi magis solenne nonnullis est, quàm exercitium Anatomicum. Loco quòd alii in Corporis humani structuram indagandam, omnem collocent operam, nonnulli Veterum pervagantur scripta, idque solummodò, ut contradicant. Me quod attinet, libenter ipsis artem hanc cedo, neque famam hanc invideo. Optarem modò, ut mea me etiam libertate frui finant. Hoc enim, si à malevolis impetrem, nunquam desinam, pro augenda, quantum in me est, cognitione Anatomica labores
fus-

fufcipere, atque fumum præmii diligentia meæ æftimabo, fi ftudia mea alicujus utilitatis in Medicina, & eruditis accepta effe intellexero. Neque etiam illos valdè curo, qui eatenus quoque mihi obeffe ftudent, dum laborem meum mihi præripiunt, aliisque attribuunt. Succellid agunt prorfus infelici, & rationibus minimè solidis, ceu etiam latius & nervofius in Epiftola Tua, Experientiffime Vir, ix. die Augufti ad me data, deducis. Nihil reverà habeo, quod argumentis tuis ibi adductis, addam, quàm quòd Authores illos, quibus *Arteria Bronchialis* inventionem tribuunt nonnulli, me tunc ne quidem legiffe, fed proprio Marte me dictam Arteriam inveniffe, fanctè testari queam. Quicquid fit, fatius effe duxi, Tibi Anatomia Cultori indefeffo, tuisque petitis impræfentiarum fatisfacere, quàm incertam & mancam inventi mei Hiftoriam relinquere. Doleo equidem fummo perè, quòd, ob Cælum, æftivo hoc tempore, conatibus noftris minus favens, nulla fuppeditetur commoda occasio, in cadavere adulto *Arteriam Bronchiale*m delineandi. Tuæ nihilominus, Experientiffime Vir, petitioni obtemperaturus, *Arteriam* meam *Bronchiale*m ad objectum infantis, quod ad manus erat, & per aliquot annos confervaram, delineare coactus fum, fperans, partium exiguam molem compensatum iri diftinctâ & nitidâ præparatione & delineatione. Annus jam agitur trigefimus primus, quo hanc Arteriam publici juris feci, ex corpore Vitulino defumptam, nomine *Arteria Bronchialis* condecoratam, quandoquidem obfervabam per Bronchia Pulmonum repere ad extremum ufque. Ludit autem Natura fæpius circa hujus Arteria in homine exortum; Aliquando enim immediatè illam ex Arteria Magnæ ipfo Trunco descendente, idque ad latera Arteriarum intercoftalium ortam, viderunt multi; ego verò fæpiiffimè eam deprehendi progredientem ex infimâ parte arteria intercoftalis fuperioris trunculo, ficuti videre eft Tab. 7. Fig. 3. Nonnunquam verò, prout exhibet Tab. 7. Fig. 2. fimul cum Arteria Intercoftali dextri lateris, tertia. ex Aortæ trunco descendente exorfa, femuncia intervallo ab exortu à dicta Arteria Intercoftali recedit, Bronchiisque pulmonum annexa, ad extremum ufque ea concomitatur. Ita ut ne minimum

quendam Asperæ Arteriæ ramum hac *Arteria Bronchiali* destitutum humanâ industriâ demonstrari queat. Variis autem locis hæc *Arteria Bronchialis* anastomosibus associatur ramusculis minutissimis Arteriæ Pulmonalis, ut patet ex Fig. 5. Tab. 7. Repletâ enim Arteria Pulmonali ceraceâ materiâ, illicò quoque repleti conspiciuntur ramuli *Arteriæ Bronchialis*; nullusque dubito, quin hoc vice versa quoque fiat, quamvis id nunquam tentarim. Circa *Arteriæ hujus Bronchialis* comitem Venam, per plures annos anceps dubiusque hæsi, nec adhuc tum eam mihi videre licuit, neque autem eam hîc magis necessariam esse, quàm in hepate, ubi Arteria Hepatica nullam quoque peculiarem sibi & sociam vendicat Venam. Expectorata Vasa pulmonalia ab omni substantia pulmonali separata quod attinet, talia multoties quoque visa ab aliis, hausi, nunquam verò eadem tussi rejecta offendi. Polyposas autem illas fuisse concretiones, tecum Experientissime Vir, judico. Possumque tales albicantes Vasorum instar ramosos, imò Vasa ad amussim ferè æmulantes polypos domi reservatos, unicuique ostendere, ubi quilibet observabit, posse illos facillimè imponere observatoribus, nullâ enim in re ab arteriis venisque differunt, quàm sola cavitatis absentia, cum ubique solidi, durique existant. Verùm cum non liceat mihi, pluribus implicito negotiis, prolixius omnia pertractare, omnium eorum, quorum breviorẽ hîc injeci mentionem figuras adjeci. Adornavi autem eas ad objectum adeò accuratissimè, ut unicuique sincero, spectandique cupido, illas in præparatis meis luce meridiana distinctiores, me demonstraturum promittam.

Cæterùm, Experientissime Vir, si qua in re Tibi inservire posse judicaveris meâ operâ, eam totam studiis Tuis dicatam esse, velim persuasum tibi habeas. Affectum tuum singularem & candidum, quem abundè erga me semper testatus es, quovis officiorum genere remunerare, nullo non tempore studebo. Vale & amare perge illum, quem nosti ex sincero animo

Totum tuum

F R E D E R I C U M R U Y S C H I U M.

Dab. Amstelodami die
14 Sept. 1696.

Fig. 2.




Fig. 1.



Fig. 4.




Fig. 5.




Fig. 3.



T A B U L A H Æ C

quinas exhibet Figuras, quarum

PRIMA Arteriam Bronchiale[m] è pulmone infantis desumptam, indigitat.

SECUNDA Portionem Trunci Arteriæ Magnæ descendentis cum abscissis trunculis Arteriarum Intercoastalium, ut & exortum Arteriæ Bronchialis, nec non portionem venæ Azygos demonstrat.

TER TIA Portionem Arteriæ subclaviæ, ut & Arteriam Intercoastalem superiorem cum suis trunculis abscissis nec non Arteriam Bronchiale[m] cum Arteria Oesophagea ostendit.

QUART A Serum sanguinis coagulatum, Polypum vulgò dictum, expectoratione expulsum, sistit.

QUINT A Ramulum Arteriæ Bronchialis cum annexo ramulo Arteriæ Pulmonalis, cui variis in locis associatur atque unitur, repræsentat.

Figura Primæ Indigitatio.

- A.A. Trunculi Arteriæ Bronchialis è corpore infantis.
- B.B.B. Ramificationes ejusdem Arteriæ.

Figura Secundæ Dilucidatio.

- A. Portio Trunci descendentis Arteriæ Magnæ.
- B.B.B. Trunculi Arteriarum Intercoastalium abscissi.
- C. Exortus Arteriæ Bronchialis è tertia arteria intercoastali.
- D. Portio Venæ Azygos.

Figura Tertiæ Expositio.

- A. Portio Arteriæ subclaviæ, è qua exoritur.
- B. Arteria intercoastalis superior.
- C. Arteria Oesophagea è dicta intercoastali oriunda, & hætenus ab Anatomicis neglecta.
- D. Arteria Bronchialis abscissa.
- E.E. Ramuli arteriosi per faciem interiorem duplicaturæ Pleuræ disseminati, & præsertim per lamellam internam, idque ex infante.

Figura

Figura Quarta Explicatio.

- A. Truncus Polypi ex Aspera Arteria rejectus.
B. B. Ejus ramuli.

Figura Quinta Dilucidatio.

- A. Ramulus Arteriæ Pulmonalis.
B. Ramulus Arteriæ Bronchialis.
C. C. C. Inosculationes ramulorum Arteriæ Pulmonalis, cum Ramu
Arteriæ Bronchialis.